



ukoliko okolnosti ukazuju na to da je nemogućnost plaćanja trenutnog karaktera.

Osim toga, porezni obveznik je dužan obezbijediti garanciju u skladu sa članom 49. ovog pravilnika i ispuniti druge uslove na osnovu kojih nadležni organ procjenjuje da li se dato objašnjenje za privremenu nemogućnost plaćanja može smatrati odgovarajućim ili ne.

Odobranje odgođenog plaćanja ili plaćanja u ratama ima oblik sporazuma Porezne uprave i dužnika koji, da bi se smatrao punovažnim, moraju potpisati za Poreznu upravu, ovlašteno lice iz člana 47. stav 2. ovog pravilnika i dužnik.

Ukoliko se ovaj sporazum ne potpiše u roku od 7 (sedam) dana od dana primljene obavijesti o odobrenom odgođenom plaćanju ili plaćanju u ratama, smatrat će se da dužniku nije odobreno odgođeno plaćanje ili plaćanje duga u ratama i postupak prinudne naplate će se nastaviti.

Sporazumom o odgođenom plaćanju ili plaćanju u ratama preciziraju se osnovna pravila i uslovi kojih se dužnik mora pridržavati da bi se smatrao važećim. Osnovna pravila i uslovi su sljedeći:

1. rate se plaćaju u rokovima i iznosima utvrđenim u sporazumu;
2. tokom produženog perioda garancija mora biti uvijek tolika da može pokriti preostali dug;
3. svi porezi koji dospiju tokom produženog perioda plaćaju se u rokovima predviđenim zakonima i propisima;
4. zatezna kamata se obračunava i naplaćuje u produženom periodu u skladu sa zakonom.

Svako kršenje navedenih pravila i uslova iz stava 5. ovog člana, kao i kada se utvrdi da podaci navedeni u molbi za odgođeno plaćanje ili plaćanje u ratama nisu tačni, rezultiraju trenutnim prestankom važenja sporazuma i nastavkom vođenja postupka prinudne naplate.

Ako Porezna uprava ne udovolji molbi za odgođeno plaćanje ili plaćanje u ratama, dužna je donijeti rješenje o odbijanju molbe.

Porezna uprava je dužna odluku o udovoljenju ili odbijanju molbe za odgođeno plaćanje ili plaćanje u ratama donijeti najdalje u roku od 30 (trideset) dana od dana prijema molbe."

#### Član 8.

U članu 53. stav 1. mijenja se i glasi:

"Kada se dužnik ne pridržava uslova iz sporazuma za odgođeno plaćanje ili plaćanje u ratama, dug se naplaćuje iz garancije, a kada je neophodno, postupak prinudne naplate se ponovo pokreće."

U stavu 2. iza riječi garancija zarez i riječi: "odnosno kolateralnih garancija" brišu se.

#### Član 9.

Ovaj pravilnik stupa na snagu narednog dana od dana objavljivanja u "Službenim novinama Federacije BiH".

Broj 05-02-2691/03

10. oktobra 2003. godine

Sarajevo

Ministar

**Dragan Vrankić, s. r.**

Temeljem članka 95. Zakona o Poreznoj upravi Federacije Bosne i Hercegovine ("Službene novine Federacije BiH", broj 33/02), federalni ministar finansija - federalni ministar finansija donosi

## PRAVILNIK

### O IZMJENAMA I DOPUNAMA PRAVILNIKA O PROCEDURAMA PRISILNE NAPLATE POREZNIH OBVEZA

#### Članak 1.

U Pravilniku o procedurama prisilne naplate poreznih obveza ("Službene novine Federacije BiH", broj 50/02) članak 18. stavak 2. mijenja se i glasi:

"Ako je podnesena molba za odgođeno plaćanje ili plaćanje u obrocima koja sadrži sve podatke i uvjete iz članka 48. ili članka 50. ovog pravilnika, obustavlja se postupak prisilne naplate i pokreću se postupci koji se odnose na odgađanja, a sukladno odredbama Zakona i ovog pravilnika."

#### Članak 2.

U članku 47. stavak 1. točka na kraju se briše i dodaju riječi: "i to za razdoblje ne duže od 3 (tri) godine za odgođeno plaćanje i 5 (pet) godina za plaćanje u obrocima."

Stavak 2. mijenja se i glasi:

"Direktor ima ovlaštenje za odobranje odgođenog plaćanja ili plaćanja u obrocima za iznose duga preko 1.000.000,00 KM, a ovlaštenje za odobranje odgođenog plaćanja ili plaćanja u obrocima može prenijeti:

- na rukovoditelje kantonalnih ureda  
za iznose . . . . . do 250.000,00 KM i
- na rukovoditelja sektora za prisilnu naplatu  
za iznose . . . . . od 250.000,00 KM  
. . . . . do 1.000.000,00 KM".

Iza stavka 2. dodaje se novi stavak 3. koji glasi:

"Iznose iz stavka 2. ovog članka direktor, kada se za to ukaže potreba, može izmijeniti."

Dosadašnji st. 3., 4. i 5. postaju st. 4., 5. i 6.

#### Članak 3.

U članku 48. iza stavka 1. dodaje se novi stavak 2. koji glasi:

"Porezni obveznici, molbe za odgođeno plaćanje ili plaćanje u obrocima, mogu podnositi najkasnije do dana koji prethodi danu u kojem se izdaje odobrenje za prodaju zaplijenjene imovine sukladno ovom pravilniku."

Dosadašnji st. 2. i 3. postaju st. 3. i 4.

#### Članak 4.

Članak 49. mijenja se i glasi:

"Članak 49.

Porezna uprava može odobriti odgođeno plaćanje ili plaćanje u obrocima temeljem jednog ili više dolje navedenih tipova garancije:

1. garancija od banaka i drugih ovlaštenih finansijskih institucija;
2. hipoteka na nepokretnu imovinu;
3. garancija u pokretnoj imovini;
4. zalog sa ili bez izmjesta;
5. akcije i obveznice;
6. dobrovoljna, solidarna i pojedinačna obveznica i
7. svaki drugi vrijednosni papir kojeg Porezna uprava smatra dovoljnim.

Garancija se obračunava:

- do 10% više od temeljnog iznosa duga,
- plus kamata na temeljni dug,
- plus 5% od ukupnog iznosa koji se duguje kao trošak naplate, ali ne manje od 100,00 KM i
- plus troškovi zapljene.

Garancija važi za razdoblje koje je najmanje 6 (šest) mjeseci duže od razdoblja odgode ili plaćanja u obrocima.

Služba odlučuje da li je ponuđena garancija pravno i ekonomski dovoljna ili ne.

Garancije se razdužuju kada se dug u cijelosti plati.

Garancija se ne traži kada je iznos duga za koji se traži odgođeno plaćanje ili plaćanje u obrocima manji od 5.000,00 KM."

#### Članak 5.

Članak 50. mijenja se i glasi:

"Direktor Porezne uprave ili osoba koju on ovlasti može da odobrava odgođeno plaćanje ili plaćanje u obrocima bez tražene garancije u slučajevima kada dužnik nema dovoljno sredstava da osigura garanciju i kada bi zapljenom njegove imovine onemogućila kontinuirano poslovanje ili u znatnoj mjeri smanjila obujam gospodarske djelatnosti.

Prilikom utvrđivanja da li dužnik ima dovoljno sredstava da plati dug i održi poslovanje, Porezna uprava će uzeti u obzir potrebu dužnika da nastavi redovno plaćanje neophodnih tekućih obveza i životnih troškova i također da se pridržava odgode ili plaćanja odobrenih obroka.